

# ତୀମଥୁକ ନିକଟକୁ ପାଉଲକ ପ୍ରଥମ ପତ୍ନୀ ତିମତି ତାଣା ପାଞ୍ଚୁଲ ରାଠାମାନି ର. ଲମ୍ବର ଆକୁ ମୂଲୁ ହାଡ଼ା

ମୂଲୁ ପତି ତିମତି ର.ଲମ୍ବର ଆକୁ, ପାଣ୍ଡୁଆଡ଼ି ପାଞ୍ଚୁଲ ତାଣାଟି ତାନି ସୀସୁ ତିମତିକି ରାସ୍ତକି ଆହାମାନେ । ଜୀସୁ କ୍ରୀସୁ ଜାର୍ନାଆଡ଼ି ୬୧-୬୪ ବାର୍ଷୀ ତାମ୍ବୁ ର.ଲମ୍ବର ତିମତି ରାସ୍ତକି ଆହାମାଣ୍ଡିନେ । ଇଦି ପାଞ୍ଚୁଲତି ଜୀଞ୍ଜୁ ରାନ୍ତି ବେଲାତା ରାସ୍ତକି ଆହାମାଣ୍ଡିନେ । ପାଞ୍ଚୁଲ ତିମତି ତଲେ ହାରେକା ଜାଟୁ ମାଚେସି, ଏଞ୍ଜସି ହାରେକା ଦେବା ତିମତିକି ମୀରସସି ଇଞ୍ଜି ଇଞ୍ଜା ମାନେସି ପିଲିପି ୨:୨୨; ୧ତିମ ୧:୨, ୧:୧୮ ।

ଇଦି ପାଞ୍ଚୁଲ ରାଠାମାନି ସାରିଗଟା ଆକୁ ବିତ୍ରାଟି କୁଲମିତି ପିସାନା ର.ମାଣ୍ଡିକି ଖେସିମାନେ । ଅଡ଼େ ତାନିଗଟା ଆକୁ ତିମତି ରା.ଲମ୍ବର ଆକୁ, ତିତସ, ଅଡ଼େ ପିଲିମନ । ର.ଲମ୍ବର ତିମତିତା କୁଲମିତି ହାରେକା ପ୍ରାତାନା କିନି ମେରାତି କାତା ୨:୧-୧୫, କୁଲମିତି କାଜା ଲକ୍ଷୁତି ଜଗେତି କାତା ୩:୧-୧୩ଅଡ଼େ ମିତି ଜାପ୍ନାରି କାତାତା ଜାଗ୍ରାତା କିନି କାତା ରାସ୍ତକି ଆହାମାନେ ୧:୩-୧୧; ୪:୧-୫; ୬:୨-୫ । ପାଞ୍ଚୁଲ ତିମତିକି ଏନିକିହିଁ କୁଲମିତି ନେହିଁ ସାଲ୍ଡି କିନାସି ଆହାଲି ଜାପ୍ନାରି ମାଚେସି ଏ କାତା ରାସ୍ତକି ଆହାମାନେ ।

ତିମତି ର.ଲମ୍ବର ଆକୁତା ହାରେକା ପାଣା ପାଟୁୟା ମାନୁ, ଏଞ୍ଜି କୁଲମିତି ସାଲ୍ଡି କିନାରାକି ନୀଞ୍ଜୁ ଖିଏତି କୁଲମିକାଣି ନେହିଁ କିଁ ଜାଡ଼ୁ କିହାଲି ସାୟେମି କିନୁ ।

## ପତିତା ମାନାୟି

୧. ପାଞ୍ଚୁଲ ତିମତିକି ଜହରା କିହାଁ ମାଟ୍ନାୟି । ୧:୧-୨

୨. ପାଞ୍ଚୁଲ ତିମତିକି ମିତି ଜାପ୍ନାରି କାତାତା ଜାଗ୍ରାତା କିନାୟି । ୧:୩-୧୧

- ୩. ପାଞ୍ଚଲ କ୍ରୀସ୍ତ ତାକି ଏଚେକା ନେହଁ ତସାମାନେସି ଏଦାଆଁ  
 ଝେସାନା ଆକୁତି ରାଡ଼ିନାୟି । ୧:୧୨-୧୯
- ୪. ପାଞ୍ଚଲ ତିମତିଇଁ ପ୍ରାତାନାତି ପାଣାପାଟୁ ଅଡ଼େ ସାଲଞ୍ଜି କିନାରି  
 କାତା ଜାପ୍‌ହାମାନେସି । ୨-୩
- ୫. ପାଞ୍ଚଲ ତିମତିକି ଏଚେକା ତାୟୁତି କାତା ଝେସାନା ଆକୁ  
 ରାଡ଼ିନାଣି ରାପ୍‌ନାୟି । ୪-୬

୧ ନାନୁ ପାଞ୍ଚଲ, ମା ଗେଲପାନି ମାହାପୁରୁ ଅଡ଼େ ବାସୁଁ ହାନି କ୍ରୀସ୍ତ  
 ଜୀସୁ ହୁକୁମି ତଲେ ପାଣ୍ଡୁଞ୍ଜି ଆହାମାନାତେଏ ।

୨ ☆ନାମୁତା ନା ଦାମୁତି ଜୀଞ୍ଜୁତି ମୀରଏଣାତି ତିମତି; ଆବା  
 ମାହାପୁରୁ ମା ପ୍ରୁ ଜୀସୁ କ୍ରୀସ୍ତ ତାଣାଟି ଜୀଞ୍ଜୁନନାୟି କାର୍ମାମେହନାୟି  
 ଅଡ଼େ ହିଡ଼ଡ଼ି ନିଜେତାକି ଆୟାପେ ।

ମିତି ଜାପ୍‌ନାରି ତାଣାଟି ଜାଗ୍ରାତା

୩ ନାନୁ ମାକିଦନିୟାତା ହାଜିମାଟାଟି ମିଜେ ଝେସାମାଞ୍ଜାତି ଲେହେଁ,  
 ନାନୁ ଏପିସିୟ ଗାଡ଼ାତା ତୟାମୁ ଏମ୍‌ଆଁ ଏଚରଜାଣା ଲାଗେଏତି  
 କାତା ଜାପ୍‌ହାମାନେରି ଏମ୍‌ାଟି ଏଞ୍ଜରାଇଁ କାହି କିମ୍, ୪ କହୁୟାଁ ଇଞ୍ଜା  
 ରାଆଗାଟି ଆକୁ ଆବାୟାଁ ଦରକାଣି ଆହୁଆପେରି ଇଞ୍ଜିଁ ଏଞ୍ଜରାଇଁ  
 ଝେହମ୍, ଏ ବାରେ ନାମୁ ତାକି ମାହାପୁରୁତି କାମାତାକି ଆଆନା ସାମା  
 ବାଦିବାଦା କିଞ୍ଜିକିନେ । ୫ ସୁଦୁ ହିୟାଁ, ନେହଁ ଅଣପୁ ଅଡ଼େ କୁଟୁ  
 ହିଲାଆ ନାମୁଟି ହଡ଼ିମାନି ଜୀଞ୍ଜୁ ନନାଣି ଜାଗ୍ରାତା କିହାଲିତାକି ନାନୁ ଇ  
 ହୁକୁମି ହାହିମାଞ୍ଜାଇଁ । ୬ ଏଚରଜାଣା ଇ ବାରେ କାତାତି ବାଣା ଆହାନା  
 ଉଜେଏତି କାତା ଆସାନା ଏଟକା ଜିରୁ ହାଜିମାନେରି; ୭ ଏଞ୍ଜାରି ମେରା  
 ଜାପ୍‌ନାତମି ଇଞ୍ଜିଁ ଅଣପିନେରି, ସାମା ଏଞ୍ଜାରି ଏନାଆଁ ଝେହନେରି,  
 ଅଡ଼େ ଏନାଆଁ ଜାଣ୍ଡେନାଜା ଜାପ୍‌ନେରି, ଏଦାଆଁ ତାମ୍‌ସୁ ତେଲହଅରି  
 ।

୮ ମାମ୍‌ସୁଞ୍ଜାମାନମି; ମେରାତି ନେହଁକଁ ଲେମ୍‌ସାରେ, ଏଡ଼ି  
 ନେହେଁ । ୯ ସାମା ମେରା ଦାମୁଗାଟି ଲକୁତାକି କିଞ୍ଜିଆଆନା,  
 ଜାହାରା ମନ, ଅଡ଼େ ମାନଞ୍ଜି ଆଆଗାଟାରି, ଦାମୁଁ ହିଲାଆ ଗାଟାରି,  
 ଅଡ଼େ ପାପୁ ଗାଟାରି, ଲାଗେଏତାରି, ଦାମୁଁତି ନାମାଆଗାଟାରି, ତାଲି

☆ ୧:୨ ୧:୨ କାମା ୧୭:୧

ତାଙ୍କିଲ୍ଲ ପାୟିନାରି, ଲକ୍ଷ୍ମଣ ପାୟିନାରି, ୧୦ ଦାରି କିନାରି, ଆବା ଆବାୟା ଦହ୍ କିଞ୍ଚିଆନାରି, ଲକ୍ଷ୍ମଣ ପାରନାରି, ମିତି ସାକି ହାନାରି, ଅଡ଼େ ମିତି କାତାତାକି ପାରମାଣା କିନାରାକି, ଅଡ଼େ ଆମ୍ବାଆରି ନେହ୍ ଜାପୁନାଣି, ତାକି ନିଲ୍ଲିନେରି, ଏଦାଆଁତାକି ମେରା ମାନୁଞ୍ଚି ଆଆଗାଟାରାକି ହାପୁକି ଆହାମାନେ, ୧୧ ଇଦି ନା ତାଣା ହେରପି ଆହାମାନାୟି ହାରେକା ନେହେଁ ମାହାପୁରୁତି ଗାଞ୍ଜୁରମିଗାଟି ନେହ୍ କାବୁତି ଜାପୁନି ଲେହେଁ ଆନେ ।

**ମାହାପୁରୁତି କାର୍ମା ତାକି ଜହରା**

୧୨ ନାଲେ କାମାତା ବାଡ଼ୁୟୁ ହାହାମାଞ୍ଜାନି ମା ପ୍ରବୁ କ୍ରୀସ୍ତ ଜୀସୁଲ୍ଲ ଜହରା କିହିମାଲ୍, ଏଦାଆଁତାକି ଇଚିହ୍ ନାଲେ ଏଞ୍ଚାସି ମାନିଗାଟାଟି ଇଞ୍ଜି ଅଣ୍ଟପାନା ସେବା କାମା ହେରପା ମାଞ୍ଜାନେସି । ୧୩ \*ଆଡ଼ିଜିକେଏ ତଲି ନାନୁ ଜୀସୁଲ୍ଲ ନିନ୍ଦା କିନାତେସ୍, ତଣ୍ଡ ହାନାତେସ୍, ଅଡ଼େ ଲାଗେଏ କିନାତେସ୍ ମାତେସ୍; ସାମା ନାନୁ ନାମା ହିଲାଆତାକି ବୁଦି ହିଲାଆଲେହେଁ ଏଦାଆଁ କିହିମାତେସ୍ ଇଞ୍ଜି କାର୍ମା ବେଟାଆତେସ୍; ୧୪ ଅଡ଼େ ମା ପ୍ରବୁତି କାର୍ମା କ୍ରୀସ୍ତ ଜୀସୁ ତାଣାଟି ନାମୁ ଅଡ଼େ ଜୀଞ୍ଜୁ ନନି ତାଣାଟି ନାଲେତାକି ହାରେକା ଆୟାତେ । ୧୫ ପାପୁ ଗାଟାରାକି ଗେଲ୍ପାଲିତାକି କ୍ରୀସ୍ତ ଜୀସୁ ଦାର୍ତତିତା ଖାଡ଼େସି, ଇ ବଲ୍ଲୁ ସାତା ଅଡ଼େ ବାରେଞ୍ଚାକି ଆବିନାୟି ଅଡ଼େ ନାମିନାୟି; ଏ ପାପୁ ଗାଟାରି ବିତ୍ରାଟି ନାନୁ ବାରେକିହାଁ କାଜା ପାପୁ ଗାଟାତେସ୍ ୧୬ ଆଡ଼ିଜିକେଏ ଆମିନି ଗାଟାରି ଖାହିମାନି ଦିନାତା କାଲାକାଲାତି ଜୀଞ୍ଜୁ ବେଟାଆହାଲି ଜୀସୁ କ୍ରୀସ୍ତ ତାଣା ନାମିନେରି, ଏଞ୍ଚାରି ନକିତା ତସ୍ପି ଆହାଲି ନାନୁ ର କାଜା ପାପୁ ଗାଟାତେସ୍, ନା ତାଣା ଏଞ୍ଚାସି ଏନିକ୍ ତାନି କାଲେଏତି ଅରୁହିନାଣି ତହୁନେସି ଏଦାଆଁତାକି ନାନୁ କାର୍ମା ବେଟା ଆତେସ୍ । ୧୭ ଏତେଲାଞ୍ଚା ନାସା ଆଆଗାଟାୟି ଇଞ୍ଜା ତଞ୍ଜାଆଆଗାଟି ରଣ୍ଡିଏ ମାହାପୁରୁ ଆମ୍ବାଆସି କାଲାକାଲାତି ରାଜା ଏଞ୍ଚାଣାକି ମାନି ଅଡ଼େ ଗାଞ୍ଜୁରମି କାଲାକାଲା ତାକି ଆପେ । ଆମେନୁ ।

୧୮ ତିମତି, ନା ମୀରଏଣାତି, ନିଲ୍ଲେତାକି ତଲି ଝେସିମାଞ୍ଜାତି ଲେହେଁ ନାନୁ ନିଲ୍ଲେ ଇ ହୁକୁମି ହାହିମାଞ୍ଜାଲ୍, ଏନିକ୍ ନାନୁ ଇ

\* ୧:୧୩ ୧:୧୩ କାମା ୮:୩; ୯:୪,୫

ବାରେ କାତାତଲେ ନେହଁ ଜୁଜୁ କିହାଲି ଆଡ଼ିଦି । ୧୯ ଦାମ୍ନୁ ଅଡ଼େ ନାମୁ ନେହଁ ଅଣ୍ଠପୁ ଆହ୍ମୁ; ଏଦାଆଁ ପିସା ମାନାକି ଏଚରଜାଣାତି ନାମୁ ଲେହେଁତି ଜାଜା ତୀହା ହାଜାମାନେ, ୨୦ ଏଝାରି ବିତ୍ରାତି ହୁମନାୟ, ଅଡ଼େ ଆଲେକ୍‌ଜାଣ୍ଡାର ମାନେରି, ଏଦାଆଁତାକି ନାନୁ ଏଝାରାଇଁ ସୟତାନ କେୟୁତା ହେରପିତେଏଁ, ଏନିକଁ ଈ ରିଆରି ପାଣା ବେଟାଆହାନା ମାହାପୁରୁଇଁ ନିନ୍ଦା କିଅରି ।

## ୨

### କୁଲମିତା ପାଣାପାଟୁ

୧ ଇଦାଆଁତାକି ନା ବାତିମାଲିନାୟି ମାହାପୁରୁଇଁ ଜହରା କିନି ବେଲାତା, ଦେସାତି ପାଣାଗାଟାରି, ୨ ଏଦାଆଁତାକି ବାରେ ଲକୁତାକି ରାଜାୟାଁ ସାଲ୍‌ଝି କିନାରି, ବାରେତାକି ପ୍ରାତାନା, ଗହାରା ଅଡ଼େ ଜହରା କିଦୁ, ମାର ଏନିକଁ ମାହାପୁରୁ ଆଜିତଲେ କିଲିବିଲି ଆଆନା ଡ଼ିନ୍ଦିନାୟି ଅଡ଼େ ଏଟକା ଲକୁ ତାଣା ନେହଁ ମାଣ୍ଡିକି ମାଞ୍ଜାନା ସୁକୁ ଅଡ଼େ ହିଡ଼ି ତଲେ ନୀତାଲି ଆଡ଼ିନାୟି । ୩ ଇଲେତି ପ୍ରାତାନା ମା ଗେଲପାନି ମାହାପୁରୁ ନକିତା ଲଡ଼ା ଆନାୟି ଅଡ଼େ ଅପିନାୟି ଆନେ । ୪ ବାରେଜାଣା ଏନିକଁ ଗେଲପିଆନାଣି ଅଡ଼େ ସାତାତି ବୁଦି ବେଟାଆନେରି ଇଞ୍ଜି ଏଝାସି ଅଣ୍ଠପି ମାନେସି । ୫ ଇଚିହଁ ରଣ୍ଡିଏ ମାହାପୁରୁ ମାନେସି, ଅଡ଼େ ମାହାପୁରୁ ଇଞ୍ଜା ମାଣ୍ଡିୟାଁ, ମାଦିତି ମାଣ୍ଡି ରଅସିଏ ମାନେସି, ଏଝାସି ଜାସୁ କ୍ରାସୁ, ର ମାଣ୍ଡିସି । ୬ ଏଝାସି ମାଣ୍ଡିସିଇଁ ଗେଲପାଲିତାକି ତାନୁଏ ହେରପି ଆଡ଼େସି, ଇଦାଆଁତାକି ସମାନା ବେଲାତା ତଞ୍ଜାଆହାନା, ମାହାପୁରୁ ବାରେ ମାଣ୍ଡିୟାଁଇଁ ଗେଲପାଲି ଅଣ୍ଠପି ମାନେସି ଇଦାଆଁ ସାକି ହାହାମାନେସି । ୭ ଏଦାଆଁତାକି ନାନୁ ରନେହଁ କାରୁ ଝେକନାତେଏଁ, ପାଣ୍ଡିଆହାମାନାତେଏଁ, ଇଞ୍ଜା ନାମୁ ଅଡ଼େ ସାତାତା ଏଟକା କୁଡ଼ାତି ଲକୁ ତାଣା ଜାପନାତେଏଁ ଆୟାଲି ମାହାପୁରୁ ନାଜେ ଆଟାମାଞ୍ଜାତେସି, ନାନୁ ସାତା ଝେସିମାଞ୍ଜାଇଁ ନାନୁ ମିଚି ଝେସିମାଞ୍ଜାଅଁ ।

୮ ଏଦାଆଁତାକି ନା ଅଣ୍ଠପୁ ବାରେଜାଣା ଆବାୟାଁ କୁଡ଼ା ଆନାଟି, ସୁଦୁ ଅଣ୍ଠପୁ ତଲେ କେସ୍ତା ପେରହାନା, କପା ଇଞ୍ଜା ତାହାରା ଆଆନା,

ପ୍ରାଚୀନ କାଳର । ୯୮ ଏଲେକିହି ଏ ଇୟାସିକା ଜିକେଏ ତାୟୁ ଅଢ଼ି କିହାନା, ଅଡ଼େ ବାଂଗାରା ସାଜୁ ତୁରଥାନା, କି ଦାରାଗାଟି ହିମ୍ବରକା ତଲେ ତାମ୍ବୁତାମ୍ବୁଜେ ଅଢ଼ି କିହାକତାଆନା, ମାନ୍ତି ଅଡ଼େ ନେହୁ ବୁଦିତଲେ ଉଣା ଦାରାଟି ହିମ୍ବରକା ହୁତାନା, ୧୦ ଦାର୍ମୁଗାଟି ଇୟାସିକା ରାହା ଅଣ୍ଡୁଟି ନେହୁ କାମାତି ଅଜୁତା ତାମ୍ବୁତାମ୍ବୁଜେ ଅଢ଼ି କିହା କତାପୁ । ୧୧ ଇୟାସିକା ପାଲେଏ ମାଞ୍ଜାନା ସୁଦୁଗାଟି ଅଣ୍ଡୁ ତଲେ ଜାପାପୁ । ୧୨ ନାନୁ ଇୟାସିକାଣି ଜାପହାଲି କି ଆବାୟା ମୁହେଁ ସାଲୁକି କିହାଲି ହେଲ ହାହି ହିଲଅଁ, ସାମା ଏଢ଼ି ପାଲେଏ ମାନାପୁ । ୧୩ ଏନିକିତହି ମାହାପୁରୁ ନକେଏ ଆଦମଇଁ ଗାଡ଼ିକିତେସି ଅଡ଼େ ତାୟୁ ହବାଇଁ ୧୪ ଅଡ଼େ ଆଦମ ନାଡ଼ିକିଢ଼ି ଆହା ହିଲାଆତେସି, ସାମା ଇୟା ନାଡ଼ିକିଢ଼ି ଆହାନା ମାହାପୁରୁତି ମେରାଟି ଦହ ଗାଟାୟି ଆଡ଼େ; ୧୫ ସାମା ଇୟାସିକା ତାମ୍ବୁଜେ ଉଣା କିହା କତାନା ନାମୁତଲେ ଜୀଝୁ ନଢ଼ିଆହାନା, ସୁଦୁଜୀଝୁ ତଲେ ମାଞ୍ଜାନା କକାରି ପଦାଁ ଜାନ କିହାନା ଗେଲପି ଆନୁ ।

### ୩

#### କୁଲମିତି କାଜାରି

୧ ଇ କାତା ସାତା, ଆମ୍ବାଆସି କ୍ରୀସ୍ତାନା କୁଲମିତା ଜାଡ଼ନୁ କିନି ପାଣା ବେଟାଆହାଲି ଅଣ୍ଡପିମାଟିସାରେ, ଏଢ଼ାସି ନେହୁ କାମା କିଇଁ ଇଞ୍ଜୁ ଅଣ୍ଡପିନେସି । ୨ ଇଦାଆଁତାକି କୁଲମିତି କାଜାସି ଦହ ହିଲାଆଗାଟାସି ଆନାୟି ମାନେ, ରଣ୍ଡିଏ ଡକ୍ତିନି ଡକ୍ତା, ଟିକାଣାତାସି, ନେହୁ ଅଣ୍ଡପୁ ଗାଟାସି, ପୁନାଆତି ଗତାୟାଣି ସେବା କିନାସି, ଅଡ଼େ ନେହୁ କି ଜାପନାସି ଆନାୟି ମାନେ । ୩ ଅଡ଼େ କାଡ଼ ଗୁହନାସି କି ଗଡ଼ହା କିନାସି ଆଆନା, ସୁଦୁ ସୁଞ୍ଜାଲା, କପା ଇଟାଆଗାଟାସି, ଅଡ଼େ ଦନ ଜୁପକା ଗାଟାସି ଆଆୟି ମାନେ, ୪ ଏଢ଼ାସି ତାନି ଇଲୁ କୁଟମିତି ନେହୁ କି ସାଲୁକି କିନାସି, ଅଡ଼େ କକାରି ପଦାଁଣି ତୀରପୁତଲେ ଜାଡ଼ନୁ କିନାୟିମାନେ । ୫ ଆମ୍ବାଆସି ତାନି ଇଲୁ କୁଟମିତି ନେହୁ କି ଜାଡ଼ନୁ କିହାଲି ଆଡ଼ଅସି, ଏଢ଼ାସି ଏନିକି ମାହାପୁରୁ କୁଲମିତି

☆ ୨:୯ ୨:୯ ୧୬୮ ୩:୩

ଜାତୁନୁ କିନେସି ? <sup>୭</sup> ଏଞ୍ଜସି ପୁଃନି ନାମିତାସି ଆଆୟି ମାନେ, ଇଚିହିଁ ଏଚେତା ପାଚେ ନାନୁ କାଜାତେଏଁ ଇଞ୍ଜିଁ ବତପଣ ଆହାନା, ସୟତାନ ତଣ୍ଡ ପାଣ୍ଡନିଲେହେଁ ତଣ୍ଡ ବେଟା ଆନେସି । <sup>୭</sup> ଅଡେ ଏଞ୍ଜସି ନାମାଆଗାଟାରି ତାଣାଟି ଜିକେଏ ମାନି ବେଟାଆନାୟି ମାନେ, ଆଆତ ଲାଜା ବେଟାଆହାନା ସୟତାନ ପାନ୍ଦାତା ହେରନେସି ।

### କୁଲମିତି ସାୟେମି କିନାରି

୮ ଏଲେକିହିଁଏ କୁଲମିତି ସେବା କିନାରି ନେହିଁ ଅଣ୍ଡପୁ ତଲେ ନାମୁତା ତ୍ତରୁମାନାଣି ଆସାନା ତାରିତଲେ ମାଞ୍ଜାନା ନାଡି କିନାସି ଆଆପେସି, <sup>୯</sup> କାଡୁ ଗସିହିଁ ତ୍ତୟିନାସି, ଉଜେଏତି ଦନତି ଜୁପକା ଆଆୟି ମାନେ <sup>୧୦</sup> ଏଞ୍ଜାରି ସେବା ପାଣା ପୁଃଆ ନକେଏ ଏଞ୍ଜାରି ତାୟିପାରି କିଞ୍ଜିଆପାରି, ଅଡେ ଏଞ୍ଜାରିତାଣା ଏନି ଦହ ତଞ୍ଜା ଆଆତିହିଁ, କୁଲମିତି ସାୟେମି କିନାରି ଆପେରି । <sup>୧୧</sup> ଏଲେକିହିଁଏ ଏଞ୍ଜାରି ତକ୍ତିସିକା ଜିକେଏ ନେହିଁ ଗୁଣୁ ଗାଟାକ\* ଆହାନା ସାକ୍ତି ହିଲାଆଗାଟାଇ ଆହାନା ତୀରପୁ, ପାଲେଏ ମାଞ୍ଜାନା ବାରେ କାମା ଟିକାଣା ତଲେ କିପୁ । <sup>୧୨</sup> ସେବା କିନାରି ରଣ୍ଡିଏ ତକ୍ତିତି† ତକ୍ତା ଆପେରି, ଅଡେ ଏଞ୍ଜସି ତାମି କକାରି ପଦାୟିଣି ଅଡେ ତାମି ଇଲୁ କୁଟମିତି ନେହିଁ କିଁ ସାଲ୍ଡି କିପେରି । <sup>୧୩</sup> ଇଚିହିଁ ଆମିନି ଗାଟାରି ନେହିଁ କିଁ ସେବା କାମା କିହାମାନେରି, ଏଞ୍ଜାରି କୁଲମିତା ମାନିଗାଟାରି ଇଞ୍ଜିଁ ଝେଙ୍ଗିନେରି ଅଡେ କ୍ରୀସୁ ଜୀସୁ ତାଣା ନାମୁତା ହାରେକା ସାସା ବେଟାଆନେରି ।

### ତ୍ତରୁମାନି କାଜା କାତା

<sup>୧୪</sup> ଇ ଆକୁ ରାଡିନି ବେଲାତା, ନାନୁ ନୀ ତାଣା ତବେ ଝାହାଲି ଆସା କିହିମାଲ୍; <sup>୧୫</sup> ସାମା ନା ଝାନାୟି ଝେଡା ଆତିହିଁ, ମାହାପୁରୁ ଇଲୁ କୁଟମିତା ଇଚିହିଁ ସାତାତି ମୁଣ୍ଡା ଅଡେ ପୁନାଦି ଲେହେଁ ଜୀଞ୍ଜୁତି ମାହାପୁରୁ କୁଲମିତା, ଏନି ମାଣ୍ଡକିତା ମାନାୟି ମାନେ, ଏଦାଆଁ ନାନୁ ଏନିକିଁ ପୁଞ୍ଜାଲି ଆଡିଦି, ଇଦାଆଁତାକି ଇ ବାରେ କାତା ନାନୁ

\* ୩:୧୧ ୩:୧୧ ଇୟସିକା ସେବା କିନାଲ † ୩:୧୨ ୩:୧୨ ରଣ୍ଡିଏ ବାହା ତକ୍ତି

ରାଡ଼ିମାଞ୍ଜାଇଁ । ୧୭ ମାହାପୁରୁତି ଦାମ୍ଭୁତି ବାରେ କାତା ହାରେକା  
 କାଜାୟି, ଇଦାଆଁ ବାରେ ଲକୁ ଝେକ୍ନେରି । ଏଦି ଇଦି,  
 କ୍ରୀସ୍ତ ମାଣ୍ଠସି ଖାଣା ଆହାନା ତଞ୍ଜାଆଡେସି,  
     ସୁଦୁଜୀଝୁତା ଦାମ୍ଭୁଗାଟାସି ଇଞ୍ଜିଁ ଝେକ୍ନିଡେସି,  
     ଦୂତୁୟାଁ ତଲେ ତଞ୍ଜାଆଡେସି,  
 ଏଟକା ଲକୁତାଣା ଝେକ୍ନିଡେସି,  
     ଦାରୁତିତା ନାମୁଗାଟାସି ଆଡେସି,  
     ଇଞ୍ଜାଁ ମାହାପୁରୁ ଗାଝୁରମି ତଲେ ଲାକପୁରୁ ଅଝିଆଡେସି ।

### ୪

#### ମିତି ଜାପ୍ନାରି

୧ ସୁଦୁଜୀଝୁ ତୀରିତଲେ ଝେସିମାଞ୍ଜାନେ, ଜୁଗୁ ରାନ୍ତି ବେଲାତା  
 ଏରେକା ଲକୁ ଲାଗେଏତି ନାଡ଼ିକିନି ଜାପ୍ନି ତାଣାଟି କୁଲମିତି ନାମୁତି  
 ହେକ ଆନେରି, ୨ ଏଝାରି ଏତରଜାଣା ନାଡ଼ିକିନାରି, ଏଝାରି ଅଣ୍ଠପୁ  
 ହାଡ଼ାୟି, ୩ ଏଝାରି ବୀହା କିନାୟି ଅଡ଼େ ଏନ୍ଦି ଏନ୍ଦି କାଦି ତିନାୟି ଇଞ୍ଜିଁ  
 ନେହେଁ ଆଏ ଇଞ୍ଜିମାନେରି । ସାମା ଆମିନି କ୍ରୀସ୍ତଇଁ ନାମିତି ଲକୁ  
 ସାତାତି ପୁଞ୍ଜାମାନେରି, ଏଝାରି ମାହାପୁରୁ ଗାଡ଼ିକିତି ବାରେ କାଦି ତାକି  
 ଏଝାଣାଇଁ ଜହରା କିହାନା ଏଦି ନେହାୟି ଇଞ୍ଜିଁ ତିଞ୍ଜାଲି ଆଡ଼ିନେରି  
 । ୪ ଇଚିହଁ ମାହାପୁରୁ ଗାଡ଼ିକିତି ଆସ୍ତି ବାରେ ନେହାୟି, ଇଞ୍ଜାଁ  
 ମାହାପୁରୁଇଁ ଜହରା କିତିସାରେ ଏନାୟି ଜିକେଏ ତିନାଆଗାଟାୟି ଆଏ  
 । ୫ ଏନାଆଁତାକି ଇଚିହଁ ମାହାପୁରୁତି ବଲୁ ଅଡ଼େ ପ୍ରାଡାନା ତଲେ  
 ଏଦାଆଁ ସୁଦୁ କିଝିଆନେ ।

#### ଜୀସୁ କ୍ରୀସ୍ତୁତି ନେହଁ ସେବା କିନାସି

୬ ଇ ବାରେ କାତା ମୀରୁ ତାୟି ତାଜିଇଁ ଜାପ୍ନିସାରେ କ୍ରୀସ୍ତୁ ଜୀସୁତି  
 ର ନେହଁ ସେବା କିନାତି ଆଡେରି, ଇଞ୍ଜାଁ ମୀରୁ ଆମିନି ନାମୁ ଅଡ଼େ  
 ନେହଁ କାତା ଆସାମାଞ୍ଜେରି, ଏଲେତି ବଲୁ ତଲେ ପାଡା ଆଡେରି;  
 ୭ ସାମା ଉଜେଏ ଝେହ୍ନି କାତାୟାଁ ଝେନାଆନି, ମାହାପୁରୁଇଁ ଆଜାନା  
 ନୀତାମାଞ୍ଜାଲି ଜାପ୍ନାମୁ, ୮ ଇଚିହଁ ଆଜାତି ପାଡି କିନାୟି ଗାଡ଼େକା  
 ତାକି ଲାବା ଆନେ, ସାମା ମାହାପୁରୁଇଁ ଆଜିନାୟି ଇ କାଲାତା ଅଡ଼େ

ଝାଞ୍ଜିମାନି କାଲୀତି ଜୀଝୁତାକି ମାହାପୁରୁ ଆଞ୍ଜାମାନି ଲାବାଗାଗାୟି ଆନେ । ୯ ଈ କାତା ନାମିନାୟି ଅଡ଼େ ବାରେ ଲକୁ ଅପିନାୟି । ୧୦ ଈଦାଆଁ ତାକି ମାରୁ ମନ ହୀହାନା ଝାହୁ ତଲେ ଜୀଝୁ ତୁସାନା କାମା କିହିମାନାୟି, ଏନାଆଁତାକି ଇତିହିଁ ଆମିନି ଜୀଝୁଗାଟି ମାହାପୁରୁ ବାରେ ମାଣସିଇଁ ଇତିହିଁ ନାମିନାରାଇଁ ଗେଲ୍ପିନାସି, ତାନି ତାଣା ମା ବାସୁଁ ମାନେ ।

୧୧ ନୀନୁ ଈ ବାରେ କାତା ହୁକୁମି ହୀହାନା ଜାପୁମୁ । ୧୨ ନୀ ଦାଂଗଣା ବେଲ୍ଲାତି ଆମ୍ବାଆସି ହୀଣି କିୟାଆପେସି, ସାମା ନୀ କାତାତା, ନୀ ଲେମ୍ବିନି ତାଣା, ନୀ ଜୀଝୁ ନନି ତାଣା, ନୀ ନାମୁତା, ଇଞ୍ଜା ନୀ ସୁଦୁତା, ନାମିନାରାକି ନୀନୁ ନେହିଁ ତହୁନାତି ଆମୁ । ୧୩ ନୀନୁ ନୀ ତାଣା ଝାଆ ପାତେକା ନୀନୁ ଦାମୁଁ ପତିଇଁ ପଡ଼ଝି ଆହାନା, ମାହାପୁରୁ କାତା ଝେକ୍‌ମୁ, ଇଞ୍ଜା ଜାପୁନି ତାଣା ମନ ହୀହାନା ମାନାମୁ । ୧୪ ମାହାପୁରୁ ବଲୁ ଝେକ୍‌ହା ମାଞ୍ଜାନି କୁଲମିତି କାଜାରି ନୀ ତାୟୁଁ ତୁ କେସ୍‌ସା ଇଟାନା ନିଜେ କାମାତି ଦାନା ହୀହାମାଞ୍ଜାନେରି, ଏଦାଆଁ ହେଲ୍ଲା କିଆନି । ୧୫ ନୀ ପାତା ଆହିମାନାୟି ଏନିକିଁ ବାରେ ଲକୁ ନକିତା ତଞ୍ଜାଆନେ, ଏଦାଆଁତାକି ଈ ବାରେ କାତାତା ମନ ହୀହାନା ଏ ବାରେ କିହିମାନାମୁ । ୧୬ ନିଜା ତାକି ଅଡ଼େ ନୀ ଜାପୁନାଣି ତାକି ଜାଗ୍ରାତା ଆମୁ, ଈ ବାରେ କାମା କିହିଁ ମାନାମୁ, ଇତିହିଁ ଏଦାଆଁ କିତିସାରେ ନୀନୁ ନୀ ଗେଲ୍ପିନାଣି ଅଡ଼େ ନୀ କାତା ଝେଞ୍ଜି ମାନାରାଇଁ ଜିକେଏ ଗେଲ୍ପିଦି ।

### ୫

#### ନାମିନି ଲକୁତି ଦାୟିପତି

୧ ବୁଡ଼ହା ଲକୁଣି ଲାଗାଆନି, ସାମା ଏଝାଣାଇଁ ଆବା ଇଞ୍ଜିଁ ଅଶ୍‌ପାନା ଲେମ୍ବାମୁ; ଅଡ଼େ ଦାଂଗଣା କକାରାଇଁ ତାୟିଲେହେଁ ମେହ୍‌ମୁ, ୨ ବୁଡ଼ହ ଇୟାସିକାଣି ତାଲି ଇଞ୍ଜିହିଁ ଅଡ଼େ ଡାଆସିକାଣି ସୁଦୁ ମନତଲେ ତାଜିସ୍‌ସା ଇଞ୍ଜିହିଁ ଅଶ୍‌ପାନା ଏଲେକିଁ ସିନିକିମୁ ।

୩ ଏନାଆଁ ହିଲାଆଗାଟି ରାଶ୍ଟେଣି ଇୟାସିକାଣି ମାନି କିମୁ । ୪ ସାମା ଆମିନି ରାଶ୍ଟେଣି ଇୟା କି ମୀରକା ମାସ୍‌କାକି ତାଜା ମୀରକା



ମାୟାକା ମାତିହଁ, ଏଞ୍ଜି ନକେଏ ତାମି ଇଲୁ କୁଟମି ତାରାଇଁ ମାନି କିହାଲି ଲକ୍ଷ୍ମୀମାୟି ମାନେ, ତାଲି ତାଞ୍ଜିଇଁ ନେହଁ କିହାଲି ଜାପାପୁ; ଏନିଇଚିହଁ ଇଦି ମାହାପୁରୁ ନକିତା ନେହାୟି । \* ଆମିନି ରାଣ୍ଡେଣି ଇୟା ରଣ୍ଡିଏ ମାନେ ଅଡ଼େ ଆମ୍ବାଆରି ଜାଡ଼ନ୍ତୁ ଅନାରି ହିଲଅରି ଏଞ୍ଜି ମାହାପୁରୁ ତାଣା ବାସୁଁ ଇଟାନା ଲାଆଁ ମାଦେନା ବାତିମାଲିହଁ କାଲେଏ ପ୍ରାତାନା କିପୁ; ୬ ସାମା ଆମ୍ବାଆୟି ଆଙ୍ଗାତି ରାହାଁତା ମୁଞ୍ଜାନା ତୁୟିନି ରାଣ୍ଡେଣିସିକା ଏଞ୍ଜି ଜୀଝୁତଲେ ମାତିହଁ ଜିକେଏ ହାଡ଼ି ଲେହେଁତାଇ । ୭ ଏଞ୍ଜି ଏନିକଁ ଦହ ହିଲ୍ଲାଆଗାଟାଇ ଆନୁ, ଇଦାଆଁତାକି ଇ ବାରେ କାତା ଜିକେଏ ଜାପୁମୁ । ୮ ସାମା ଆମ୍ବାଆସି ତାନି ପାଡ଼ିତି ଲକୁ ଅଡ଼େ ତାମି ଇଲୁ କୁଟମିତି ଲକୁଣି କେରଅସି, ଏଞ୍ଜିସି ନାମୁତି କାତାଇଁ ଆବାହିଲଅସି, ଇଞ୍ଜା ଏଞ୍ଜିସି ନାମାଆଗାଟାଣି କିହାଁ ହାଡ଼େକା ଲାଗେଏ ଆନେସି ।

୯ ଆମିନି ରାଣ୍ଡେଣି ତାନିକଡ଼ି ବାର୍ଯ୍ୟାଟିଏ ଉଣା ଆଏ, ଅଡ଼େ ରଣ୍ଡିଏ ତକ୍ତାଇଁ ବୀହା ଆହାମାନେ, ଏଞ୍ଜିସିକା ଦରୁ ରାଟାମୁ, ୧୦ ଅଡ଼େ ନେହଁ କାମାତାକି ଝେଙ୍ଗାମାନେ, ଅଡ଼େ ଏଦି ମୀରକା ମାୟାକାଣି ପହିପାତି କିହାନା, ପାଡ଼ିତି ଗତାୟାଁଣି ସେବା କିହିମାନେ, ମାହାପୁରୁ ଲକୁତି କତାୟାଁ ନରହା ମାନେ, ଦୁକୁ ଗାଟାରାଇଁ ଦୁକୁ ତୁକ୍‌ହିମାନେ, ଅଡ଼େ ବାରେ ନେହଁ କାମା କିହାଲି ରାହାଁ ଆହିମାନେ, ଆତିହଁ ଏଦାନି ଦରୁ ରାଣ୍ଡେଣିସିକା ଆକୁତା ରାୟକି ଆପେ ।

୧୧ ସାମା ତୁଆ ରାଣ୍ଡେଣିସିକା ଦରୁ ରାଟାଆନି, ଇଚିହଁ ଏଞ୍ଜି ଆଙ୍ଗାତି ରାହାଁତା ଜୁପକା ଆହାନା କ୍ରୀସ୍ତ ତାଣାଟି ଏଟକା ଆହାନା ବୀହା ଆୟାଲି ମନ କିନୁ; ୧୨ ଏଞ୍ଜି ତାମି ତଲିତି ଆଞ୍ଜାମାଟାଣି ମାନି କିହାହିଲଆକି, ତଣ୍ଡ ଗାଟାଇ ଆନୁ, ୧୩ ଅଡ଼େ ଜିକେଏ ଏଞ୍ଜି ଇଲୁତାକି ଇଲୁ ରେଜିହଁ ନିସ୍ତା ଆହାଲି ଜାପୁନୁ, ଅଡ଼େ ଝାରଇ ନିସ୍ତା ଆଏ, ସାମା ଲାଗେଏ ପଲେଏତି ପୁସପନିକା, ଅଡ଼େ ସାକ୍ତି ଜଲ୍ଲାଲି ଜାପାନା ଉଜେ ଉଜେଏତି ଲଡ଼ାହିଲ୍ଲାଆ କାତାୟାଁ ବାସୁଁ ଆନୁ । ୧୪ ଇଦାଆଁତାକି ନା ଅଣ୍ଡୁ ତୁଆ ରାଣ୍ଡେଣିସିକା ବୀହା ଆପୁ, କକାରି ପଦାଁ ଆପୁ, ଇଲୁ କୁଟମିତି ଲେମ୍ବାପୁ, ଇଞ୍ଜା ନିନ୍ଦା କିହାଲି ସାତୁୟାକି ଏନି ପାରୁ ହାଆପୁ; ୧୫ ଇଚିହଁ ନୀଏଁ ଜିକେଏ ଆମ୍ବା ଆମ୍ବାଆୟି କ୍ରୀସ୍ତ

ତାଣାଟି ହେକ ଆହାନା ସୟତାନତି ଦ୍ଵେଚ ହାଜାମାନୁ । ୧୭ ଅଡ଼େ ଆମିନି ନାମାମାନି ଇୟାସିକା ଇଜ ରାଣ୍ଠେଣିସିକା ମାଟିହୁଁ, ଆତିହୁଁ ଏଞ୍ଜି ଏଞ୍ଜାସିକା ଜାଡ଼ନୁ ଅପୁ, ଅଡ଼େ କୁଲମିତାକି ବନ୍ଦୁ କିଆପୁ, ଏନିକୁଁ କୁଲମି ଏନାଆଁ ହିଲ୍ଲାଆଗାଟି ରାଣ୍ଠେଣିସିକାଣି ଜାଡ଼ନୁ ଅନେ ।

୧୭ ଆମିନି ପ୍ରାଟିନାଙ୍ଗା କୁଲମିତି ନେହୁଁକୁଁ ଜାଡ଼ନୁ କିନେରି, ବାରେକିହାଁ ଆମିନି ଗାଟାରି ବଲୁ ଝେକହାଲି, ଅଡ଼େ ଜାପୁହାଲି ଝାହୁ ତଲେ କାମା କିନେରି, ଏଞ୍ଜାରି ରୀ ଗୁଣୁ ମାନି ବେଟାଆନି ଜଟେ । ୧୮ ☆ଦାମୁଁ ପତିତା ରାସୁକି ଆହାମାନେ, “ନପୁଁନି କଡ଼ି ମୂତିତା କଡ଼ା ଦହୁଆନି” ଅଡ଼େ “କାମାକିନାସି ତାନି କାମାତି ପାଡ଼େୟି ବେଟାଆନାୟି ମାନେ ।” ୧୯ ରିଆରି କି ତାନି ଜାଣା ସାକିୟାଁ ହିଲ୍ଲାଆନା ଆମିନି ପ୍ରାଟିନା କପାଟି ଏନି କାତା ଝେସ୍ଵାତିହୁଁ ଆହୁଆନି । ୨୦ ଆମିନି ଗାଟାରି ଦହୁ କିନେରି, ଏଞ୍ଜାରାଇଁ ବାରେ ଲକୁ ନକିତା ଲାଗାମୁ, ଏନିକୁଁ ଏଦାଆଁ ମେସାନା ଏଟକାତି ଲକୁ ଆଜିନେରି ।

୨୧ ନାନୁ ମାହାପୁରୁ, ନକିତା ଅଡ଼େ କ୍ରୀସୁ ଜୀସୁ ନକିତା ଅଡ଼େ ମାହାପୁରୁ ଆଡ଼ିତି ଦୁଡୁୟାଁ ନକିତା ଜାଣ୍ଠେ ହୁକୁମି ହୀହିମାଞ୍ଜାଇଁ ନାନୁ ତଲିତିଲେହେଁ ଆଆନା ଇ ବାରେ ମାନୁଞ୍ଜି ଆମୁ, ଅଡ଼େ ଆମ୍ବାଆରାଇଁ ପାରଡ଼ା କିଆନା ଇ ବାରେ କାମା କିମୁ । ୨୨ ଦାଗା ଆହାନା କେୟୁ ଇଟାହାଁ ମାହାପୁରୁତି ସେବା କାମାତାକି ଆମ୍ବାଆରାଇଁ ଜିକେଏ ଆଟୁଆନି । ଏଟକା ଲକୁତି ପାପୁଡ଼ା ଜାହାରାଇଁ ଆଟୁଆନି । ନାନୁ ଜାହାରାଇଁ ସୁବୁ କିହାକତାମୁ ।

୨୩ ନୀ ବାଣ୍ଡି ଆଗୁଁ ହିଲ୍ଲାଆକି ଅଡ଼େ ନୀ ଆଙ୍ଗାତା ଅଲେ ଅଲେ ରଟ ଆହିମାନାକି ଝାରଇ ଏୟୁ ଗହୁଆନି ଅଙ୍ଗୁରି ରାସା ଇଟରା ଲାକା ଗହୁମୁ ।

୨୪ ଏଚରଜାଣାତି ପାପୁ ନୀହାଁୟି କିଆ ନଟକେଏ, ତଞ୍ଜାଆନେ, ଅଡ଼େ ଏଚରଜାଣାତି ପାପୁ ତାୟୁ ତଞ୍ଜାଆନେ । ୨୫ ଏଲେକିହୁଁଏ ସାତା କାମା ତଲିଏ ତଞ୍ଜାଆନେ, ଅଡ଼େ ଏନା ଏନାୟି ତଞ୍ଜା ଆଏ, ଏଡ଼ି ତଗୁାନା ତୟାଲି ଆଡେଏ ।

☆ ୫:୧୮ ୫:୧୮ ମାତି ୧୦:୧୦; ଲୁକ ୧୦:୭



୧ ଏମିତି ଲକ୍ଷ୍ମୀ ହଲିୟାଙ୍ଗା ଧୂଳିକାମାଳିନୀ ହେଉଥିବାବେଳେ, ଏହାରି ତାମି ସାଧୁକାରିଣୀଙ୍କ ନେତୃତ୍ୱରେ ମାତା ବେଗାଆନାରି ଇଚ୍ଛା ଅର୍ଥପାପେରି, ଏମିତି ମାହାପୁରୁ ଦରୁ ଅଡ଼େ ଜାପୁନି ତାଣାଟି ନିନ୍ଦା ଆଏ । ୨ ଅଡ଼େ ଆମିନି ଗାଟାରି ସାଧୁକାରିଣୀ କ୍ରୀୟାମା ଆହାମାନେରି, ଏହାରି ଏହାରିଙ୍କ ମା ତାମି ଇଚ୍ଛା ଅର୍ଥପାମା ହାଣି କିଆପେରି, ସାମା ହାରେକା ଜାତୁନୁ ତଲେ ଏହାରି ସେବା କିପାରି, ଇତିହାସ ଆମିନି ଗାଟାରି କାମା ତଲେ ଲାବା ବେଗାଆନେରି, ଏହାରି ନାମିନାରି ଅଡ଼େ ମା ଜାହୁ ନନାରି, ଇ ବାରେ କାତା ଜାପୁହାନା ଖେହୁମୁ ।

**ମିତି ଜାପୁନାମି ଅଡ଼େ ସାତା ଦନ**

୩ ଆମ୍ବାଆସି ଅର ରଲେତି କାତା ଜାପୁହାନା ମା ପୁରୁ ଜୀସୁ କ୍ରୀୟାଟି ନେତୃତ୍ୱରେ ବଲୁ ଅଡ଼େ ମାହାପୁରୁ ଆଜିନି କାତାଟି ଜାପୁନାଣି ଆହୁଅସି, ୪ ଆତିହାସ ଏହାସି ଲାଗେଏତି ବତପଣ ଗାଟାସି, ବୁଦି ହିଲାଆଗାଟାସି, ବାଦିବାଦା, ଅଡ଼େ ଗଡ଼ହା କିନିତାଣା ମୁଞ୍ଜାମାନେସି; ଏମ୍ବାଟିଏ ତାହାରା, ଗଡ଼ହା, ରଥଣାଙ୍କୁ ଉଦ୍ଦେଏ ନିନ୍ଦା କିନାମି, ଲାଗେଏ ଆନାମାନା ଆନାମି ହୁନେ, ୫ ଇଚ୍ଛା ବୁଦି ହିଲାଆ ଗାଟାରି ଅଡ଼େ ସାତାଟି ପିସା ମାନାରି ବିତ୍ତା କାଲେଏ ବାଦିବାଦା ହୁନେ, ଇତିହାସ ମାହାପୁରୁଙ୍କ ଆଜିନାମି ଏଡ଼ି ଲାବା ବେଗାଆନି ଜିରୁ ଇଚ୍ଛା ଏହାରି ଅର୍ଥପନେରି ।

୬ ମାହାପୁରୁଙ୍କ ଆଜାନା, ନୀତିନାମି ନେହେଁ ଆଡ଼ିସାରେ ସାତେଏ ଏଡ଼ି ଲାବାଗାଟାମି; ୭ ଏନାଆଁତାକି ଇତିହାସ ମାର ଦାରୁତିତା ଏନାଆଁ ତାଟା ହିଲାଆମି, ଅଡ଼େ ଇ ଦାରୁତିତି ଏନାଆଁ ଅହାଲି ଆଡ଼ାଆମି; ୮ ଇଦାଆଁତାକି ବାଣ୍ଟିତ କାଦି ଆଜା ତାକି ହିମ୍ବରକା ମାତିହା ଇଚ୍ଚେକେଏ ସାରି । ୯ ସାମା ଆମ୍ବାଆରି ଗାଡ଼ି ବାଡ଼କାଲି ଅର୍ଥପନେରି, ଏହାରି ତାମିପାରି କିନି ତାଣା ଅଡ଼େ ପାନ୍ଦାତା ହେଉଖାନା, ଅଡ଼େ ବୁଦି ହିଲାଆଗାଟି ନାସାକିନି ଅର୍ଥପୁତି ପାନ୍ଦାତା ହେଉନେରି, ଇ ବାରେ ମାଣ୍ଡିଙ୍କ ବୁଡ଼ି ଆନିଖାକି ଅଡ଼େ ନାସା ଆନିଖାକି ଅନେ । ୧୦ ଏନାଆଁତାକି ଇତିହାସ ଦନତି ଜୁପକା ବାରେ ଲାଗେଏତି ମୂଲୁ; ଆମ୍ବା ଆମ୍ବାଆରି ଏମ୍ବାଆଁ ଜୁପକା ଆହାନା ଦାମୁତି ନାମୁ ପିସାନା ଜିରୁ

ବାଣୀ ଆହାମାନେରି, ଇଞ୍ଜା ହାରେକା ଦୁକୁ ତଲେ ତାମି ହିୟାତା ଦୁକୁ କିହାମାନେରି ।

**ପାଞ୍ଚୁଲତି ରାଘୁନି କାତା**

୧୧ ସାମା ଏ ଡିମତି ନୀନୁ ର ମାହାପୁରୁ ଲକ୍ଷ୍ମି, ନୀନୁ ଇ ବାରେ ତାଣୀଟି ହେକ ଆହାନା ଦାମ୍ବୁ ଗାଟାଟି, ମାହାପୁରୁଇଁ ଆଜିନାୟି, ନାମିନାୟି, ଜୀଞ୍ଜୁନନାୟି, ସାସା, ଅରୁହିନାୟି, ଇ ବାରେ ନେହୁଁ ଗୁଣୁତା ତାକାମ୍ । ୧୨ ନାମୁତି ନେହୁଁ ଜୁଜୁତା ଜୀଞ୍ଜୁ ତୁସାନା ଜୁଜୁ କିମ୍, କାଳାକାଳାତି ଜୀଞ୍ଜୁ ଆସାନା ଇଟାମ୍; ଏଦାଆଁତାକି ନୀନୁ ହାଟୁକି ଆହାମାଞ୍ଜି ଅଡେ ହାରେକା ସାକିୟା ନକିତା ନେହୁଁ ସାକି ହାହାମାଞ୍ଜି । ୧୩ \*ବାରେତି ଜୀଞ୍ଜୁହାନି ମାହାପୁରୁ ନକିତା, ଅଡେ ପନ୍ତିୟ ପିଲାତ ନକିତା ନେହୁଁ ସାକି ହାନି କ୍ରୀସୁ ଜୀସୁ ନକିତା ନାନୁ ନିଜେ ହୁକୁମି ହାହିମାଞ୍ଜାଇଁ, ୧୪ ନୀନୁ ମା ପ୍ରୁ ଜୀସୁ କ୍ରୀସୁତି ଖାନି ଦିନା ପାତେକା ଦାମ୍ବୁତି ମେରା ମାନୁଞ୍ଜି ଆହାନା ଏନି ପାପୁ ଅଡେ ନିନ୍ଦା ହିଲାଆଗାଟାଟି ଆହାଁ ଡୟାମ୍ । ୧୫ ଏଞ୍ଜାସି ହାରେକା ନେହାଁସି, ରଅସିଏ ବାରେକିହାଁ କାଜା ସାଲୁଞ୍ଜି କିନାସି, ଏଞ୍ଜାସିଏ ରାଜା କିହାଁ ରାଜା ଅଡେ ପ୍ରୁ କିହାଁ ପ୍ରୁ, ୧୬ ଏଞ୍ଜାସିଏ ରଅସି ହାଆଗାଟାସି ଅଡେ ମେସାଲି ଆଡାଆଗାଟି ଉଜେଡିତା ମାନେସି, ଏଚେଲାଞ୍ଜା ଏଞ୍ଜାଶାଇଁ ଆମ୍ବାଆସି ମେସାହିଲଅସି କି ମେସାଲି ଆଡଅସି, ଏଞ୍ଜାସି ତୀରିକିତି ଦିନାତା ଏଦାଆଁ ତହୁନେସି; କାଳାକାଳାତାକି ତାନି ସାମ୍ପି ଅଡେ କାଜାପାଣା ତଞ୍ଜା ଆପେ । ଆମେନ୍ । ୧୭ ଆମିନି ଗାଟାରି ଇ ଜୁଗୁତା ବାଡକିତାରି, ଏଞ୍ଜାରି ଏନିକ୍ ଆଙ୍କାରା ଆଅରି ଅଡେ କାଲେଏ ଡୟାଆ ଦନ ଲାକ ବାସୁଁ ଇଟଅରି, ସାମା ଆମିନି ମାହାପୁରୁ ଏ ବାରେ ଲେମ୍ବାଲି ତାକି ମାଜେ ଲଡାମାନାଣି ହିୟାନେସି, ଏଞ୍ଜାଣି ତାଣା ବାସୁଁ ଇଟିନେରି, ୧୮ ଅଡେ ଏଟକା ଲକ୍ଷ୍ମି ସାୟେମି କିହାନା ନେହୁଁ କାମା ତଲେ ବାଡକୁ ଗାଟାରି ଆନେରି ଅଡେ କେୟୁ ଦେତାନା ଅଡେ ରାହାଁଟି ଦାନା ହାହାଲି ଅଣ୍ପିନେରି, ଏଦାଆଁତାକି ଏଞ୍ଜାରାଇଁ ହୁକୁମି ହୀମ୍; ୧୯ ଇଲେ କିତିସାରେ ଏଞ୍ଜାରି ତାମି ଖାହିମାନି ଜୀଞ୍ଜୁତାକି ନେହୁଁ ପୁନାଦି କିହାମାନେରି, ଏନିକ୍ ଏଞ୍ଜାରି ସାତା ଜୀଞ୍ଜୁ ବେଟାଆନେରି

\* ୨:୧୩ ୨:୧୩ ଜହ ୧୮:୩୭

। ୨୦ ଏ ଚିମ୍ବି, ନିଜେ ଏନା ଏନାୟି ହୀପ୍‌କି ଆହାମାଞ୍ଜାନେ, ଏଦାଆଁ ଜାତ୍‌ନୁ କିହାଁ ଇଟାମ୍; ଉଜେଏତି କାତାୟାଁ ଅଡ଼େ ସାତା କାତାତି ବୁଦିତାଣି ବାସ୍ ଆନାରି ତାଣାତି ହେକ ଆମ୍; ୨୧ ଆମ୍ବା ଆମ୍ବାଆରି ଏଦାଆଁ ପୁଞ୍ଜାନା ମାନୁଡ଼ି ଆଆନା ନାମୁତି ଜିରୁ ବାଣା ଆହାମାନେରି । କାର୍ମାମେହ୍‌ନାୟି ନୀ ତଲେ ମାଣ୍‌ମ୍ ।

## ପୁସ୍ତକ ଫେରା

# The New Testament in the Kuvi language of India: ପୁସ୍ତକ ଫେରା (Bible)

copyright © 2020 The Word for the World International

Language: କୁଭି (Kuvi)

Contributor: The Word for the World International

## ପୁସ୍ତକ ଫେରା, କୁଭି ପୁସ୍ତକ ଫେରା, 2020

The New Testament in Kuvi Language

The Word for the World International

This translation is made available to you under the terms of the Creative Commons Attribution license 4.0.

You may share and redistribute this Bible translation or extracts from it in any format, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2023-04-12

---

PDF generated using Haiola and XeLaTeX on 21 Feb 2024 from source files dated 13 Apr 2023

081337bf-dba3-542b-bc85-280acfb14d33